



Siverth K. Heilmann

UKA 2021/162

Atassut

14. oktober 2021

**Nipilersortartut immiussinissamut 10.000 kr.tikillugu tapiissummik misiliutaasumik 2022-miit augustip aallaqqaataani atuutilersussamik Naalakkersuisut pilersitseqqullugit Inatsisartut aalajangiiffissaattut siunnersuut. Katillugu ukiut marluk ingerlaneranni 300.000 kr.-nik aningaasalerneqassaaq, Nunatsinni nipilersukkanik saqqummersitsisarnerup siuarsarmissaanik siunertalimmik. Misilittagaalersimasut nalilersuinissamut atorneqassapput avammut tunisassiornikkut kiisalu eqqumiitsuliornikkut siuariarsimanermut sunniuteqarsimanersut.**

(Inatsisartunut ilaasortaq Aqqalu C. Jerimiassen, Atassut)

Qineqqusaarnerni eqqumiitsuliornikkut siuarsaaqataarusulluta oqaluppugut. Oqaluppugut nipilersortartuuneq inuussutissarsiutitut siuarsarneqarnissaanut sulissuteqarniarluta. Naak oqaatsit tamakku kusanartut ukiorpassuarni oqaatigiuarneqarsimagaluartut Atassummiit Aqqalu C. Jerimiassen tigussaasumik siunnersuuteqarpoq.

Tunaartaraarpullu eqqumiitsuliorneq nipilersortartuunerlu inuussutissarsiutitut annerusumik tapiissuteqartarnikkut akileraartarnikkullu inatsisitigullu tulluarsaasoqarnissaa. Aqqalu C. Jerimiassenip siornali siunnersuutigisimasaa ukioq mannamullu kinguartissimasooq maanna qaqqinneqaqqinnerani Atassummiit nuannaarluta isumalluarlutalu taperserluarparput.

Taamanikkullu nuannaarpugut partiit amerlanerpaat tapersermassuk, allaallu qaffasinnerusumik tapiisoqartarnissaanik sukataaruteqartut tusarluarsimallutigut. Ilisimalluarparpummi nipilersortartorpassuit kulturmidlenut qinnuteqartarsimagaluartut itigartitaajuartharnerat, taamaammallu siunnersuutip uumap siunertaa, tassa ajornanngitsumik sukkaasuumillu tapeeriaatsimik misiliutitut pilersitsisinnaaneq isumalluarnartutut isigaarput.

Ullutsinnimi saqqummersitsisarneq annertuumik aningaasarsiutaanngilaq, nunarsuatsinnimi aamma taanna takussaavoq. Saqqummersitsisarnerillu digitalinngoriartuaarneranni, saqqummersitsisarfeeqqani immiussisarneq annertusiartorpoq, namminerlu inuttut aningaasartuutit annertusillutik. Siornatigummi saqqummersitsisarfiit angisuut aningaasartuutit tamaasa matussuseqqaartarsimagaluarpaat.

Taamaattumillu sineriammi immiussisarfeeqqat amerlasuut, nipilersortartorpassuillu amerlasuut sumiiffimminni saqqummersitserusuttunut una siunnersuut assorsuaq tulluarpoq. Uanilu siunnersuummi aningaasat misiliutitut atorneqartussatut siunnersuutigineqartut annertunngillat, taamaammallu annertuumik aningaasartuuteqanngikkaluarluta annertuumik nunatsinni saqqummersitsisarinnikkut siuarsaaqataanermut peqataasinnaagutta tigussaasumik toqqaannartumillu neriorsuutigisartakkatsinnut iliuuseqassagaluarpugut, uteqattaartumik oqaatsit kusanartut atunngikkaluarlugit.



Inatsisartut tamatta pisinnaatitaaffigaarput pisussaaffigalugulu Inatsisartuni siunnersuuteqartarnissaq. Suliat allat ingerlareertarput, aallartisarneqareertarlutilluunniit sammisamut suugaluarnerpumulluunniit.

Taamaattorli imaassanngilaq assersuutingalugu, aalisarnermut ataatsimiititaliarsuaq suliaqarmat, taava aalisarneq pillugui siunnersuuteqarsinnaajunnaassasugut, Immaqaluunniit utoqqalinersiassat pillugit suliaqartoqareermat taava utoqqarnut tunngasunik allanik suliaqarsinnaajunnaassasugut.

Naalakkersuisut akissutiminni Kunstfondip pilersinneqalenera tunngavilersuutigalugu una siunnersuut itigartinneqarnissaanik innersuussuteqarput. Atassummiit Kunstond-issaq annertuumik taperserparput, nuannaarutigingaarlugulu ukiorpassuarni suliaq piviusunngulermat.

Atassummiit politikkerput ersarissumik siunnersuutitut uani erserpoq, toqqaannartumillu nipilersornikkut aporfiusoq tikkuarlugu Aqqalu C. Jerimiassenip tigussaasumik siunnersuutaa tamakkiisumik Atassummiit taperserparput. Neriutugalugulu sulianut allanut assingusinnaasunut ilanngullugu unarpiaq siunertaq ilassilluarneqarluni tapunneqarsinnaasumaassasoq.